

戊

儒門事親論方目錄

卷之一

七方十劑繩墨訂一

立諸時氣解利禁忌三

小兒瘡疱丹燥癰疹舊蔽記五

霍亂吐瀉死生如反掌說七

過愛小兒反害小兒說九

指風痺痿厥近世差互說二

瘧非脾寒及鬼神辯四

婦人赤白帶下錯分寒熱解六

目疾頭風出血最急說八

服藥一差轉成他病說十

卷之二

偶有所遇厥疾獲瘳記十一

汗下吐三法該盡治病詮十三

凡在表者皆可汗式十五

推原補法利害非輕說十七

疝本肝經宜通勿塞狀十九

攻裏發表寒熱殊塗箋十二

凡在上者皆可吐式十四

凡在下者皆可下式十六

口眼喎斜是經非竅辨十八

五虛五實攻補懸絕法二十

卷之三

喉舌緩急砭藥不同解二十一

斤十膈五噎浪分支派疏二十三
飲當去水溫補轉劇論二十四

五積五聚治同鬱斷二十二

卷之四

嗽分六氣母拘以寒述二十五
九氣感疾更相為治衍二十六
三消之說當從火斷二十七
蟲蠱之生濕熱為主訣二十八

補論二十九

水解三十

風一

暑二

濕三

火四

燥五

寒六

解利傷寒七

中風八

痺九

痿十

厥十一

癰十二

瘧十三

泄痢十四

疔痢十五

臟毒下血十六

下痢膿血十七

水泄不止十八

痔漏腫痛十九

霍亂吐瀉二十

大便澁滯二十一

五腫淋瀝二十二

酒食不消散二十三

酒食所傷二十四

沉積水氣二十五

骨蒸熱勞二十七

上喘中滿二十九

咳嗽三十一

風痰三十三

消渴三十五

頭痛不止三十七

目腫三十九

風衝泣下四十一

口瘡四十三

瘦四十五

瘰癧四十七

惡瘡四十九

瘡癰瘤腫五十一

凍瘡五十三

諸積不化二十六

虛積二十八

一切涎漱三十

咳逆三十二

咯血衄血嗽血三十四

雷頭風三十六

兩目暴赤三十八

病目經年四十一

風炷牙疼四十二

喉閉四十四

背疽四十六

便癰四十八

下疳五十

瘡腫丹毒五十二

金瘡五十四

卷之五

誤吞銅鐵五十五
蛇蟲所傷五十七

禁蝎五十九

婦人月事沉滯六十一

腰膝疼痛六十三

經血暴下六十五

月事不來六十七

小產六十九

產後心風七十一

產後潮熱七十三

妊娠大小便下利七十五

雙身傷寒七十七

懷身入難七十九

牙疳八十一

丹瘤八十三

身瘦肌熱八十五

魚刺麥芒五十六
杖瘡五十八

落馬墜井六十

血崩六十二

頭風眩暈六十四

赤白帶下六十六

婦人無子六十八

大產七十

乳汁不下七十二

乳癰七十四

雙身病瘡七十六

雙身瘡癩七十八

眉煉八十

夜啼八十二

疔眼八十四

大小便不利八十六

醫經

卷之六

十形三療目錄

風形

久瀉不止八十七
 發驚潮搐八十九
 身熱吐下九十一
 水瀉不止九十三
 甜瘡九十五
 瘡疾不愈七十七
 赤瘤丹腫九十九

通身浮腫八十八
 拗哭不止九十
 風熱涎嗽九十二
 瘡疥風癬九十四
 白禿瘡九十六
 腰痛氣刺九十八
 瘡疱癩疹一百

因驚風搐一

殮泄三

風痰五

手足風裂七

搐搦九

驚風十一

風搐反張二

因風鼻塞四

癩六

胃腕痛八

面腫風十

風温十二

暑形

風水十三
腎風十五
中風十七

小兒風水十四
勞風十六

中暑十八

瘡癰十九

火形

馬刀二十

項瘡二十一

伐指痛二十二

癩癧二十三

咽喉腫塞二十四

舌腫二十五

腰膝痛二十六

狂二十七

痲殿二十八

滑泄乾嘔二十九

笑不止三十

隔食中滿三十一

目盲三十二

小兒悲哭不止三十三

小兒手足搖擗三十四

目赤三十五

熱形

沙石淋三十六

膏淋三十七

二陽病三十八

頭熱痛四十

勞嗽咯血四十二

嘔血四十四

肺癰四十六

口瘡四十八

心痛五十

失笑五十二

目蒙五十四

熱厥頭痛五十六

血崩五十八

月閉寒熱六十

遇寒手熱六十二

瘕瘕六十四

淋六十六

小兒面上赤腫三十九

勞嗽四十一

吐血四十三

因藥燥熱四十五

痿四十七

虛勞四十九

傷寒極熱五十一

赤目五十三

胞後嘔吐五十五

產前喘五十七

婦人二陽病五十九

惡寒實熱六十一

嘔逆不食六十三

牙痛六十五

口臭六十七

濕形

疝六十八

水疝六十九

留飲七十

黃瘡七十一

黃病七十二

病發黃七十三

水腫七十四

涌水七十五

停飲腫滿七十六

濕痺七十七

屈膝有聲七十八

白帶七十九

濕嗽八十 瀉兒八十一

濕癬八十二

濕匿瘡八十三

泄瀉八十四

洞泄八十五

大便少而頻八十六

暑泄八十七

腹滿面腫八十八

卷之七

燥形

臂麻不便八十九

大便燥結九十

孕婦便結九十一

偏頭痛九十二

腰膝痛九十三

寒形

因寒腰強九十四

感風寒九十六

寒痰九十八

寒疝九十五

凍瘡九十七

瀉痢惡寒九十九

內傷形

因憂結塊一百

不寐一百二

兒寐不寤一百四

收產傷胎一百六

背疽一百八

咽中刺塞一百十

腸澼下血百十二

伏驚一百十四

病怒不食一百一

驚一百三

孕婦下血一百五

懷恐脇痛一百七

肺癰一百九

誤吞物咽中一百十一

水腫羣丸一百十三

外傷形

孕作病治一百十五

落馬發狂一百十七

足閃胸痛一百十九

杖瘡一百十六

太陽腰腫一百十八

膝胸跛行一百二十

卷之八

杖瘡入水一百二十一

內積形

傷冷酒一百二十二

茶癖一百二十四

疝氣一百二十六

冷積一百二十八

肥氣積一百三十

停飲一百三十二

沉積疑胎一百三十四

外積形

瘤一百三十六

瘰一百三十八

心下沉積一百二十三

腹脹水氣一百二十五

胸膈不利一百二十七

積塊一百二十九

伏瘕一百三十一

積氣一百三十三

是胎非積一百三十五

膠瘤一百三十七

痔一百三十九

卷之九

雜記九門

誤中涌法

嗽 疥 赤目 感風寒

誤中寒涼

經閉 下血 痢

臨變不惑

涌法 涌嗽

當禁不禁

病愈犯禁而死

不忌反忌

不忌口得愈 不可忌口

高技常孤

羣言難正

謗吐 謗三法 謗峻藥

病人負德愈後吝財

同類妬才 羣口誣戴人

卷之十

撮要圖

四因氣動

五鬱風暑濕燥寒主病

五氣主治濕燥寒主病

十二經是動為病

六門病治諸方

金櫃十全之法

六氣主治

大寒初氣至終氣小雪為病

風暑濕火燥寒六淫為病并治

內經濕變五法

金櫃十全五泄後論已上之圖改校為篇法

卷之十一

治法雜論

風論 論火熱二門

濕門 寒門

婦人風門火類門

半產 小兒風門

濕熱門

內傷

濕門

二火類

風門

外傷治法

寒門

卷之十二

三法六門

吐劑

三聖散

瓜蒂散

獨聖散

稀涎散

蔚金散

茶調散

獨仙散

碧雲散

常山散

汗劑

通聖散

雙解散

浮萍散

麻黃散

升麻湯

桂枝湯

下劑

導水丸

禹功散

通經散

神祐丸

琥珀丸

益胃散

大承氣湯

小承氣湯

調胃承氣湯

桃仁承氣湯

玉井散

水煎桃仁丸

無憂散

泄水散

牛黃通膈丸

進食丸

四生丸

內托丸

藏用丸

神芎丸

進食丸

牛黃白朮散

玉燭散

三和湯

丁香化癖散

三一承氣湯

抵當丸

十棗湯

除濕丹

利膈丸

三一承氣湯

大陷胸湯

小陷胸湯

握宣丸

風門

防風通聖散

防風天麻散

防風湯

祛風丸

排風湯

小續命湯

消風散

搜風丸

愈風餅子

通頂散

香芎散

暑門 瘧附

白虎湯

化痰玉壺丸

玉露散

辰砂丹

溫脾散

濕門 嗽痢附

五苓散

白朮木香散

神助散

桂苓白朮散

川芎散

當歸川芎散

疎風丸

胃風湯

鐵彈丸

桂苓甘露散

益元散

石膏散

溫脾丸

溫脾丸

葶藶木香散

大橘皮湯

桂苓白朮丸

白朮調中湯

白朮調中湯

甯神散

人參補肺散

薏苡仁湯

香連丸

火門

涼膈散

瀉心湯

調胃散

芍藥蘘皮丸

清涼飲子

犀角散

燥門

神功丸

麻仁丸

寒門

薑附湯

甯肺散

白朮散

益黃散

黃連解毒湯

八正散

三黃丸

大金花丸

黃連清心湯

黃連木通丸

脾約丸

潤體丸

四逆湯

二薑湯

大已寒丸

平胃散

兼治於內者

大柴胡湯

柴胡飲子

白朮湯

兼治於外者

桂枝湯

升麻湯

青金散

獨治於內者

陷胸湯

備急丸

蓮殼散

導飲丸

朮附湯

附子理中丸

養脾丸

小柴胡湯

防風當歸飲子

麻黃湯

五積散

大黃丸

枳殼丸

木香檳榔丸

五香連翹散

四物湯

又方

定志丸

小檳榔丸

獨治於外者

青金散

水澄膏

金絲膏

赴筵散

化癭丹

又方

煮肝散

小黃膏

木香檳榔散

又方

鉛白霜散

當歸散

葛根散

檳榔丸

瞿麥散 治氣積方

拔毒散

魚膽丸

生肌散

麝香玉線子

通氣丸

消毒散

枯瘤方

箭刀藥

陽起石散

雄黃散

化斑湯

調治

無比山藥丸

香薷湯

妙功丸

茴香丸

人參調中湯

沉香降氣丹

卷之十三

劉河間先生三消論

神白散

胡粉散

三黃丸

經驗方

卷之十四

扁鵲華陀察聲色定死生訣要

當歸丸

石葦散

人參散

七宣丸

烏金散

豬肚丸

葛根丸

人參白朮散

人參散

診百病死生訣

病機 標本運氣歌

斷病人生死

運氣歌

辨十二經水火分治法

治病 六陣十八反

四因 五苦六辛

卷之十五

世傳神效諸方目錄

瘡瘍癰腫第一

眼目疾證第三

解利傷寒第五

婦人雜病第七

心氣疼痛第九

腸風下血第十一

破傷風邪第十三

諸風疾證第十四

下痢泄瀉第十六

辟穀絕食第十八

口齒咽喉第二

頭面諸疾第四

腰脚疼痛第六

咳嗽痰喘第八

小腸疝氣第十

小兒病證第十二

陰毒傷寒帶附

水腫黃疸第十五

諸雜方藥第十七

太醫先生辭世詩仍附於後

吐劑

三聖散

防風三兩去蘆

瓜蒂三兩

羅遇另放末將滓炒微黃次入末一處同煎黃用

藜蘆苗去

及心加減用之或一兩或半兩或一分

右各為麤末每服約半兩以薑汁三茶盞先用二盞煎三五沸去薑汁次入一盞煎至三沸却將原二盞同一處熬二沸去滓澄清放溫徐徐服之不必盡劑以吐為度

瓜蒂散

瓜蒂五箇

赤小豆五箇

人參半兩去蘆

甘草半兩或二錢五分

右為細末每服一錢或半錢或二錢量虛實加減用之空心薑汁調下服之

稀涎散

猪牙皂角

不蛀者去皮弦秤一兩灸用之

碌礬

藜蘆半兩

右為細末每服半錢或一二錢幹開牙關漿水調下嚥之

藜蘆散

蔚金 滑石 川芎各半

右為細末。每服一二錢。量虛實加減。以麤汁調下。空心服之。

茶調散 亦一名二仙散

瓜蒂木以多少。好茶中停。

右為細末。每服二錢。麤汁調下。空心用之。

獨聖散

瓜蒂木以多少。

右為細末。每服一錢。或二錢。麤汁調服之。脇痛加全蝎。頭痛加蔚金。

碧雲散 治小兒驚風有涎

膽礬半兩 銅青一分 粉霜一錢 輕粉一分

右研為細末。每服一字。薄荷湯調下用之。如中風。用漿水調服。

常山散

常山二兩 甘草半兩

右為細末。水煎空心服之。

青黛散

猪牙皂角二箇 玄胡索 青黛少許

右為細末。鼻內灌之。其涎自出。

汗劑

防風通聖散

防風 川芎 當歸 芍藥 大黃 薄荷 麻黃去根不 連翹 芒硝剉 石膏 桔梗已 枳殼各 滑石錢三 甘草兩 荆芥 白朮 山梔子已 兩各

右為麤末。每服五七錢。水一大盞。生薑三片。煎至七分。去滓。熱服。如涎嗽。加半夏五錢。生薑製過。

雙解散
通聖散與益元散相合中停。水一鍾。生薑豆豉葱白同煎。

浮萍散 治癩風

浮萍兩 荆芥 川芎 甘草 麻黃根 已上各一兩。或加當歸芍藥

升麻湯

升麻去 葛根 芍藥 甘草炒 已上各一兩

右為麤末。每服一兩。水二盞。煎至七分。去滓。溫服。汗出則愈。

升麻湯

升麻去 葛根 芍藥 甘草炒 已上各一兩

右為麤末。每服三錢。水一盞。半煎至七分。去滓。溫服。不拘時候。

麻黃湯

麻黃去槲

官桂錢

甘草三錢

杏仁十二箇

天竺十二箇

蘇合去皮

黃芩去皮

用

右為麤末。每服三錢。水一鍾。煎至七分。去滓。溫服。汗出自解。

桂枝湯

桂枝兩 茯苓兩 芍藥兩 甘草錢

右為麤末。每服三錢。水一盞。生薑棗一同煎。溫服。

下劑

導水丸

大黃兩 黃芩兩 滑石兩 黑牽牛兩

取頭末

甘遂一兩 去濕熱腰痛泄水濕腫滿久病則加。

白芥子一兩 去遍身走注疼痛。

加。朴硝一兩 退熱散腫毒止痛久毒宜加。

郁李仁一兩 散結滯通關節潤腸胃行滯氣通血脈。

樟柳根一兩 去腰腿沉重。

右為細末。滴水丸。梧桐子大。每服五十丸。或加至百丸。臨卧溫水下。

禹功散

黑牽牛頭末兩 茴香兩

或加水香兩

右為細末。以生薑自然汁調一二錢。臨卧服。
通經散

陳皮白 當歸略一 甘遂以麩胞冷水浸過去麩焙乾

右為細末。每服三錢。溫湯調下。臨卧服。

神祐丸

甘遂依前製過用 大戟醋浸煮 芫花醋浸煮各半兩 黑牽牛兩 大黃兩

右為細末。滴水丸。小豆大。每服五七十九丸。臨卧溫水下。

琥珀丸

右以前神祐丸。加琥珀一兩是也。

益胃散

甘遂依前製過用

右為細末。每服三兩。以獐猪腰子細批破。以鹽椒等物淹透爛切。摻藥在內。以荷葉

裹燒熟。溫淡酒調服。

大承氣湯

大黃兩半 厚朴兩 枳實一枚 芒硝兩

右為麤末。每服三五錢。水一盞。煎至七分。去滓服。以意加減。

小承氣湯

大黃 厚朴已上各兩 枳實一枚

右為麤末。同前煎服。

調胃承氣湯

大黃 甘草炙 朴硝已上各兩

右為粗末。每服五七錢。水一盞。煎三五沸。去滓。溫服。食後。

桃仁承氣湯

桃仁去皮尖 官桂 甘草 芒硝已上各半兩

右對如麻豆大。每服三五錢。水一大盞。煎至七分。去滓。溫服。

玉井散

菴蓂根兩 甘遂製兩

右為細末。以射香湯調下三錢。臨臥服。

水煮桃仁丸

黑牽牛頭末 酥瓜蒂末錢 雄黃過錢 冰飛 乾胭脂少許

右以黃水調。麪為丸。以水煮令浮熟。取出。冷水投。過射香湯水下。

無憂散

黃耆 木香 桑白皮 陳皮一兩各 胡椒 白朮 木香各半兩

白牽牛頭末兩四

右為細末。每服三五錢。以生薑自然汗調下。食後。

泄水丸又方藏用丸一料加芒硝半兩 高陸半兩為末水丸依前服之

大戟 芫花 甘遂 海帶 海藻 郁李仁 續隨子各兩

右為細末。水煮棗肉為丸。如小豆大。每服五七丸。水下。

牛黃通膈丸

黑牽牛 大黃 木通各半兩 各別取味

右為細末。水丸如黍粒。大量兒大小三五十九。或百丸水下。

四生丸一名潤腸丸

黑牽牛 大黃 朴硝 皂角去皮弦 已上各等分

右為細末。水丸如梧桐子大。每服七八十丸。食後溫水下。

內托散

大黃 牡蠣各兩 甘草錢 瓜蒌二

右為末。水一大盞煎三五沸。去滓露冷服。

藏用丸

大黃 黃苓二兩 滑石 黑牽牛略四
右為末。水丸。桐子大。每服五七十九丸。食後溫水下。

神芎丸

藏用丸一料。內加黃連。薄荷。川芎各半兩。水丸。桐子大。水下。

進食丸

牽牛兩 巴豆三箇 膜法

右為末。水丸。每服二三十丸。食後隨所傷物送下。

牛黃白朮丸 治腰脚濕

黑牽牛末 大黃二兩 白朮兩一

右為末。滴水丸。桐子大。每服三十丸。食前生薑湯下。要利加至百丸。

玉燭散

以四物湯承氣湯朴硝各等分。水煎去滓。食前服之。

三和湯

以四物湯涼膈散當歸各中停。水煎服。

丁香化癖散 治小兒脾

白丁香 蜜陀僧 船上硫黃一錢 礪砂錢半 輕粉許

右研細末。每兒一歲服半錢。男病女乳調。女病男乳調。後用通膈泄。

水蛭十箇去足熬 盲蟲十箇去足熬 大黃一兩 桃仁七枚去尖

右判如麻豆作一服。水二盞煎至七分。去滓溫服。

抵當丸

盲蟲五箇 桃仁六箇 大黃三兩 水蛭五箇

右為細末。只作一丸。水一大盞煮一丸至七分。頓服之。

十棗湯

紫芫花煮醋浸 大戟 甘遂製已上各等分

右為末。每服半錢。水一盞。棗十枚同煎。取半盞服。

除濕丹

檳榔 甘遂 威靈仙 赤芍藥 澤瀉 葶藶已上各一兩

黑牽牛末研 大戟炒三兩 陳皮去白

右為細末。麪糊和丸。如桐子大。每服三五丸。水送下。

利膈丸

牽牛四兩 槐角子炒一兩 木香一兩 青皮一兩 皂角去皮 半夏洗各二兩

右為細末。生薑麪糊為丸。桐子大。每服四五十九。水送下。
三一承氣湯

大黃 芒硝 厚朴各 枳實各 甘草兩

右剉如麻豆大。每服半兩水一大盞。生薑三片。煎至六分。入硝去滓熱服。

大陷胸湯

大黃半兩 芒硝錢兩八 甘遂末字

右以水一盞。煮大黃至八分。去滓入硝。一沸下甘遂末。溫服。

小陷胸湯

半夏湯洗一分 黃連分 瓜蒌實一枚用四

右剉麻豆大。水二盞。先煮瓜蒌至一盞。半下諸藥。取八分。去滓溫服。末利再服。

握宣丸

檳榔 肉桂 乾薑 附子 甘遂 良薑 葶子 巴豆各 入硫黃錢

右為細末。軟米和丸。桐子大。早晨先椒湯洗手。放溫揩乾。用生油少許。泥手心。男左

女右。磨令熱。握一丸。宣一二行。

風門

防風通聖散 方在汗門中附

防風天麻散

防風 天麻 川芎 羌活 白芷 草烏頭 荆芥 當歸焙 甘草 滑石

白附子半兩 各

右為末。熱酒化蜜少許。調藥半錢。加至一錢。少時覺藥行。微麻為度。如作丸。煉蜜和。彈子大。熱酒化下一丸。或半丸。

防風湯

防風 麻黃 獨活 秦艽去蘆 黃芩 石膏 當歸 白朮半兩 各

右為粗末。入半夏片子。令攪勻。每服四錢。水二盞。入生薑七片。煎至一盞。去滓。取清汁六分。入射香少許。帶熱食後服。

祛風丸

川烏炮 臍去 草烏炮 天南星 半夏薑 蒸豆粉 甘草 川芎 殭蠶

藿香 苓苓香 地龍去土 蝎炒 各一兩 已上 川薑兩

右為細末。藥末一兩。用蒸豆粉一兩。以白麩二兩。滴水和丸。如桐子大。陰乾。細嚼茶清下三五丸。至五七丸。食後初服三丸。以漸加之。

排風湯

當歸去蘆 杏仁去皮 尖 炒 防風去蘆 白鮮皮 白朮 芍藥 官桂去粗 川芎

甘草炒各三兩 獨活 麻黃節去 茯苓去皮各二兩
右為粗末。每用三錢水一盞半。入生薑四片。同煎至八分。去滓溫服。不拘時候。

小續命湯

麻黃節去 人參去蘆 黃芩 芍藥 川芎 甘草炙 杏仁湯泡去皮尖炒 防己

官桂皮去 防風去蘆各一兩 防子半兩去皮臍去

右除附子杏仁外。合搗為粗末。後入二味攪勻。每服三錢。水一盞半。生薑五片。煎至一盞去滓。少熱服。食後。

消風散

川芎 羌活去蘆 人參去蘆 白茯苓去 白僵蠶炒 蟬殼同上已上 陳皮去

厚朴去粗皮薑製已上各一兩

右為細末。每服二錢。茶清調下。

川芎散

川芎 荆芥 甘菊 薄荷 蟬殼 蔓精子記各 甘草炙一兩

右為細末。茶酒任下。三二錢。食後服。

搜風丸 一名人參半夏丸

人參 茯苓 南星剋各 半夏 乾生薑 白礬生 凝水石已各

蛤粉_{二兩} 薄荷_兩 藿香

右為細末與藏用丸末各中停水丸如菟豆大每服三十丸生薑湯送下。

當歸川芎散

當歸 川芎_{以上各半兩} 甘草_{二兩} 黃芩_兩 薄荷_兩 確砂仁_分

右為細末溫水調下一二錢

愈風餅子

川烏_{炮兩} 川芎 甘菊 白芷 防風 細辛 天麻 羌活

荊芥 薄荷 甘草_炙 已上各一兩

右為細末水浸蒸餅為劑捏作餅子每服三五餅子細嚼茶酒送下不計時候

疎風丸

通聖散一料加天麻羌活獨活細辛甘菊首烏各半兩

右為細末煉蜜和丸彈子大硃砂為衣每服一丸細嚼茶酒下

通頂丸

石膏 川芎 瓜蒂 已上各等分 藜蘆_炒

右為細末鼻內嚙之

胃風湯

需用量見

人參去蘆 茯苓皮 川芎 官桂 當歸 芍藥 白朮
右件各等分為末每服三錢水一盞入陳粟米煎空心服之

香芎散

香附子炒 貫芎 石膏飛 白芷 甘草 薄荷 已上各一兩

川芎兩皮炒

右為細末每服二錢溫酒茶清調下無時

鐵彈丸

地龍去 防風 白膠香 沒藥 木鱉去皮 草烏頭水浸 白芷 五苓脂

當歸 已上各一兩 細墨錢射香研 乳香研 升麻銛二

右為末糯粥丸彈子大每服一丸生薑酒下

暑門一 瘧附

白虎湯

知母去皮兩半 甘草兩 糯米合 石膏細兩別 蘇末

右判如麻豆大粳米拌勻另水一盞煎至六分去滓溫服無時日三四服或眩嘔者

加半夏半兩薑汁製過用之

桂苓甘露散

官桂兩

人參

藿香

已上各半兩

茯苓

白朮

甘草

葛根

澤瀉

石膏

寒水石

已上各一兩

滑石兩

木香分

右為細末。每服三錢。白湯點下。新水或生薑湯亦可用之。

化痰玉壺丸

南星

半夏腫生

天麻半兩

白麩兩

右為細末。滴水丸如桐子大。每服三十九丸。用水一大盞。先煎令沸。下藥煮候浮即熟。漉出放溫。別用生薑湯下。不拘時服。

益元散

滑石兩

甘草兩

右為細末。每服三錢。蜜調新水送下。

玉露散 治暑

寒水石

滑石

石膏

瓜蒌根

已上各四兩

甘草兩

右為細末。每服五錢。新水調下。

石膏散

石膏兩

人參去

甘草略

右為細末。新水蜜水調三錢。生薑湯亦可。

辰砂丹 治癰

信錢

雄黑豆六十箇或二兩重

右為細末。朱砂為衣。端午日合。不令雞犬婦人見。每服一九。無根水下。

溫脾丸

信錢

甘草二錢

紫河車三錢

豆粉四兩

右為末滴水丸。每服半錢。作十九丸。臨卧無根水下。

溫脾散

紫河散

菘豆各二兩

甘草二兩

砒一錢另研

右為細末。後入砒研勻。每服半錢。新水盞調下。如是隔日發。直待臨卧服藥。如頻日發。只夜深服。忌葷酒魚兔等。

濕門

五苓散

官桂

澤瀉

猪苓去衣 茯苓去皮

白朮各半兩

右為細末。每服二錢。熱湯或新水調下。

葶藶木香散

苦葶藶

茯苓去皮

猪苓去皮 各一分 上

木香錢半

澤瀉

木通

甘草略半 官桂分 滑石錢三

右為細末。每服三錢。生薑湯調下。食前服。

白朮木香散

白朮 猪苓 澤瀉 赤茯苓 各半兩 木香 柳檳 各三錢

陳皮去 白朮錢 滑石兩三

右為細末。每服五錢。水一盞。生薑三片。同煎至六分。溫服。食後。

大橘皮湯

橘皮兩 木香分 滑石兩 檳榔錢三 茯苓兩 猪苓去黑皮 澤瀉 白朮

官桂 已上各半兩 甘草錢二

右為末。每服五錢。水一盞。生薑五片。煎至六分。去滓。溫服。食後。

神助散

苦苧塵炒 兩 黑牽牛取頭末用之 澤瀉 猪苓去皮 椒目

右為細末。每服葱白三莖。漿水一盞。煎至半盞。入酒半盞。調藥三錢。絕早。面東服之。

桂苓白朮丸

官桂 茯苓 半夏 已上各一兩 白朮 乾生薑分 橘皮去

澤瀉 黃連 各半兩 黃柏兩二

右為末。麩糊為丸。如小豆大。每服三五十九。薑湯食後服之。
桂苓白朮散

官桂 茯苓 白朮 已上各半兩 甘草 澤瀉 石膏

寒水石已上各一兩 滑石二兩
右為細末。熱湯調三錢。新水生薑湯亦可。食後服。

白朮調中湯

白朮 茯苓 橘皮去白 澤瀉剉 甘草一兩 乾薑炒 官桂

確砂仁 藿香 已上各一分

右為末。白湯化蜜少許。調下二錢。無時。煉蜜每兩作十丸。名曰白朮調中丸。

甯神散 治嗽

御米殼二兩 蜜炙 人參 苦苧藤 已上各一兩

右為末。入烏梅同煎三五沸。去滓稍熱服。食後。

甯肺散

御米蜜炒 去穢 甘草 乾薑 當歸 白礬 陳皮 已上各一兩

右為末。煎薑汁調三錢。

人參補肺散

人參 麻黃節去 白朮 防己 防風 各等分 桑白皮加倍

右剉咬咀。以漿水一碗煎至半。去滓溫服。每用半兩。各秤過。

白朮湯

白朮 甘草 當歸 陳皮 桔梗 枳殼 各等分

右為粗末。水煎。去滓溫服。三五錢。

薏苡仁湯

桔梗兩一 甘草兩二 薏苡仁兩三

右剉如麻豆大。每服五錢。水煎入糯米為引。米軟為度。食後服之。

益黃散 治小兒痢

陳皮兩一 青皮 柯子肉 甘草半兩 丁香錢二

右為細末。每服二錢。水煎。食前服之。

香連丸

木香 柯子肉 炒各半兩 黃連炒上 龍骨錢二

右為細末。飯丸如黍米大。每服二十九丸。米飲湯下。

火門

涼膈散

大黃兩 連翹兩 甘草 黃芩 薄荷 朴硝 山梔 已上各二兩
右粗末每服三五錢水一盞入蜜竹葉煎去滓溫服無時

黃連解毒湯

黃連 黃蘗 黃芩 大梔子 已上各等分
右判為麻豆大每服五錢水二盞煎至八分去滓溫服之

瀉心湯

大黃 甘草 當歸 芍藥 荊芥 麻黃 已上各一兩半

白木半錢

右為細末每服二錢水二盞生薑薄荷少許同煎至七分去滓溫服

八正散

大黃 瞿麥 木通 扁蓄 車前子 甘草 山梔子

已上各一兩 滑石兩 加水香一兩尤佳

右為粗末每服三五錢水一盞入燈心煎至七分去滓溫服

調胃散 治傷寒吐逆四肢厥冷

水銀 舶上硫黃 各半兩

右二味先研硫黃極細次入水銀同研至深黑每服一錢病重者二錢溫米飲調服

不拘時。

三黃丸

大黃

黃芩

黃柏

已上各等分

右為末。水丸。每服三十九丸。水下。

又方去黃芩用黃連。

芍藥藥皮丸

芍藥

黃柏皮各一兩

當歸

黃連

各半兩

右為末。水丸。桐子大。每服三十九丸。水下。食前。

大金花丸

黃連

黃蘗

黃芩

大黃

各等分

右為末。水丸。新水下三十九丸。加梔子。減大黃。名梔子名花丸。

清涼飲子

大黃

赤芍藥

當歸

甘草

已上各等分

右為末。每服一二錢。水一盞。煎至七分。去滓。溫服。食後以意加減。

黃連清心湯

涼膈散加黃連半兩是也。

犀角散

黃連 大黃 芍藥 犀角 甘草 各等分

右為粗末。每服五錢。水一盞煎至七分。去滓。無時溫服之。

黃連木通丸 治心經蓄熱。夏至則甚。

黃連二兩 木通半兩

右為末。生薑汁打麩糊和丸。每服三十九。食後燈心湯下。日三服。

燥門

神功丸

大黃麩裹 柯子皮 麻子仁搗人參 已上各一兩

右為細末。入麻子仁搗研勻。煉蜜丸。桐子大。每服二十九。溫水下。或酒或米飲下。食後臨卧。如大便不通。加服。

脾約丸

麻仁錢一兩半 枳實燒 厚朴去粗皮 芍藥 已上各二兩

大黃錢四兩 杏仁去皮尖炒黃

右為細末。煉蜜桐子大。每服二十九。臨卧溫水送下。

麻仁丸

郁李仁去皮搗

火麻仁搗 二味各二兩

大黃二兩半熟

檳榔碎

乾山藥

防風去蘆

枳殼炒去穢

羌活

木香各半

右為細末。入另搗者三味攪勻。煉蜜丸如桐子大。每服二十九至三十丸。溫水下。食後牽牛滑石。

潤腸丸

郁李仁 大黃

桂心

黑牽牛

當歸

黃蘗剉

輕粉炒

右為細末。滴水丸如桐子大。每服三十九至四十九丸。溫酒或生薑湯下。

寒門

薑附湯

乾薑二兩另為粗末

附子一兩剉切去皮臍

右二味攪勻。每服三錢。水一盞半。煎至一盞。去滓。溫服。食前。

四逆湯

甘草三兩

乾薑兩

附子兩半剉切去皮臍

右為粗末。每服三五錢。水一盞半。煎至一盞。去滓。溫服。無時。

二薑湯

良薑

乾薑炮

二味各三兩

右為細末。酒煮糊為丸。桐子大。每服三十丸。空心米飲湯下。

木附湯
黑附子腫一兩 白朮半兩 甘草半錢

右為細末。每服三五錢水一盞半。生薑五片。棗二枚。劈破同煎。至一盞。去滓。溫服。食後。

大己寒丸

附子炮去皮臍 川烏頭炮去皮臍作豆大再炒黃 乾薑炮製 良薑炒 官桂去粗皮

吳茱萸一兩已上各

右為細末。醋糊為丸。桐子大。每服五七十九。米飲下。食前。

理中丸

人參去蘆 白朮 乾薑 甘草炙 附子炮去皮臍 已上各一兩

右為細末。煉蜜為丸。每兩作十丸。彈子大。每服一丸。以水一盞化破。煎至七分。稍熱空心服之。

平胃散

厚朴薑 陳皮 二味各三兩 蒼朮泔洗 甘草三兩炒
右為末。每服二錢。水一盞。生薑三片。棗二枚。煎至七分。去滓。食前溫服。

養脾丸

乾薑炮

硝砂各二兩

茯苓去

人參去

麥蘖炒

各一兩

白朮兩

甘草炒兩半

右為細末煉蜜為丸每兩作八九每服一丸細嚼生薑湯下。

兼治於內者

大柴胡湯

柴胡兩四

黃芩

赤芍藥

各一兩半

半夏錢兩二

枳實錢二

大黃兩一

右為粗末入半夏片子每服三錢水一盞半入生薑五片棗一枚煎至一中盞濾去

滓溫服食後

小柴胡湯

柴胡兩四

黃芩

人參

半夏湯洗七

甘草

已上各一兩半

右為粗末每服三錢水一盞半生薑五片棗一枚劈破同煎至七分去滓溫服不拘

時候

柴胡飲子

柴胡

人參

黃芩

甘草

大黃

當歸

芍藥

已上各半兩

右為粗末每服三錢水一盞生薑三片煎至七分去滓溫服。

防風當歸飲子

柴胡

人參

黃芩

防風

甘草

芍藥

大黃

當歸

滑石

已上各一兩

右為粗末每服三五錢生薑三片水一盞煎至七分去滓溫服不拘時候。

白朮湯 治孕婦刺嘔吐血。

白朮

黃芩

當歸

各等分

右為末每服二三錢水煎食前服。

兼治於外者

桂苓湯

麻黃湯

升麻湯

已上三方在前汗法中附

五積散

蒼朮四兩

桔梗四錢

枳殼炒

陳皮二錢各

白芷

川芎

當歸

甘草炙

官桂去粗

半夏湯

茯苓三錢

麻黃去鱗

厚朴

乾薑 各四錢

右除官桂並殼另為末外以慢火炒令黃色為末與官桂等攪勻每服三錢水一盞。

半入生薑五片。葱白三寸。鹽豉七粒。同煎七分。去滓。溫服。無時。

青衿散 治咽喉。

益元散加薄荷青黛。生蜜丸如彈子大。噙化。

獨治於內者

陷胸湯

大黃二兩 芒硝錢半 枳殼一兩 甘遂一分 另

右以水三盞。先煮大黃至一盞。去滓。下芒硝。令泄。次下甘遂末。放溫服之。

大黃丸

大黃 黑牽牛 枳殼 木通 已上各一兩

右為末。滴水為丸。如桐子大。每服三十丸。食後以生薑湯下。

備急丸

巴豆去皮 大黃 乾薑炮 已上各一兩

右為細末。煉蜜丸。桐子大。每服三丸。溫水下。不拘時服。

枳殼丸

商枳殼炒 牽牛頭末四兩

右為細末。水丸。如桐子大。每服三十丸。食前溫酒。或生薑湯下。

蓮殼散 治血崩

機皮反燒

蓮殼燒反存性二

香附子三兩

右為末米飲調下三四錢食前

木香橫柳丸

木香

橫柳

青皮

陳皮

廣茂燒

黃連燒

已上各一兩

黃連

大黃略三香附子炒

牽牛略四

右為細末水丸如小豆大每服三十丸食後生薑湯送下

導飲丸

青皮

陳皮

京三稜炮

廣茂炮

黃連

枳殼炒

已上各一兩

大黃

黃蘗

已上各三兩

香附子炒

黑牽牛

已上各四兩

右為細末桐子大用水丸每服三五丸食後生薑湯下

五香連翹散

丁香

青木香

沉香

熏陸香

麝香

木通

連翹

桑寄生

獨活

升麻

大黃

已上各等分

右為粗末以竹瀝煎五七錢末利加大黃去滓稍熱以利為度

四物湯

川芎 當歸 熟地黄 芍藥 已上各等分

右為粗末。每服三四錢。水一盞。煎三五沸。去滓。空心溫服。加草龍膽防己。名一醉散。

治目暴發。加蒲黃。治娠婦漏血。

當歸散 治血崩

當歸兩 龍骨炒 枳殼 香附子炒 三錢 櫻毛灰銚

右為末。米飲調三四錢。空心服。

又一方。當歸白芍藥香附炒。各等分為末。米飲湯調下。食前服。

又當歸散 行經

當歸 杜蒺藜 各等分

右為末。米飲湯調服。食前。

葛根散 解酒毒

甘草 乾葛花 葛根 確砂仁 貫衆 各等分

右為粗末。水煎三五錢。去滓服之。

定志丸

柏子仁 人參 茯苓 遠志心 茯神 酸棗仁

右為末。酒糊丸小豆大。每服五七十九。生薑湯下。

欖柳丸

欖柳半錢

陳皮兩

木香半錢

牽牛兩

右為末醋糊丸桐子大每服三十丸生薑湯下

小欖柳丸

枳殼

陳皮

牽牛

已上各等分

右為細末水丸食後生薑湯下三四十丸

瞿麥散

治酒積

甘遂兩

瞿麥

葛根

麥蘖

已上各一兩

右為末每服二錢酒調服

治氣積方 香附子為末生薑湯調下三二錢

獨治於外者

青金散

芒硝錢

青黛錢

乳香

沒藥

各少許

右為細末鼻內噴之

拔毒散

寒水石不以多少燒令赤

右研為末。以新水調雞翎掃痛處。

水澄膏

雄黃水飛三錢

黃連兩

蔚金二錢

黃柏兩

大黃兩

黃丹水飛兩

右為細末。量所腫處用藥多少。新汲水半盞炒藥在內。須臾藥沉慢去其澄者。水盡然後用槐柳枝攪藥數百餘轉。如麪糊相似。勻以小紙花子攤藥塗腫處。更以雞翎擦涼水。不住掃之。

魚膽丸

草龍膽

青鹽

腦子

已上各半兩

黃連去鬚一兩

礪砂

南礪砂

射香

鯉魚膽

已上各二錢

右除草龍膽鯉魚膽外。同為細末。先將草龍膽同微研破。以河水三升浸。春秋二宿。夏一宿。冬三宿。將浸者取揉極爛。用絹袋濾去滓。于石器內慢火熬成膏子。點于水內不散。用指頭捏開有絲。乃膏子成。然後入魚膽拌勻。將膏和上藥件末作劑丸。如粟米。徐徐點可視之。

金絲膏

黃丹

代赭石

玄精石

已上各半兩

爐甘石燒一兩

腦子銚

黃連

麤仁泔皮

二味各三錢

白丁香

南礪砂二味各一錢

右除礪砂腦子外。同為細末。以河水一升。白砂蜜三兩同熬三五沸。然後入藥末。再熬至半茶盞以上。用綿子濾過去滓。次用礪砂腦末攪勻。定磁器內放。徐徐點眼。大有神効。

生肌散

黃連錢三 蜜陀僧兩半 乾胭脂錢一 雄黃錢一 菜豆粉錢二 輕粉錢一

右為細末。以溫漿水洗過。用無垢軟綿搵淨藥貼之。有大效矣。

赴筵散

五倍子 蜜陀僧 已上各等分

右為細末。先入漿水漱過。乾貼。

麝香玉線子

豆粉兩半 信錢錢一 枯白礬錢一

右三件同研。入射香半錢。再研為細末。滴水。和于手背上。燃作線。如用時。先以漿水嗽了口。用毛翎了縫中。淨臨卧乾貼。或為線子。住于縫中。

化癭丹 治贅

海帶 海藻 海蛤 昆布 已上四味皆焙 澤瀉炒 連翹 已上並各等分 猪鬃 羊鬃 各十枚

右為細末。蜜丸如雞頭大。臨卧嚙化一二丸。
通氣丸 同上所治

海藻 海帶 昆布 木通 甘草 已上各一兩 柯子

薄荷 已上各半兩 杏仁少許煮浸去皮尖用之

右為細末。煉蜜和丸。每夜嚙化一丸。忌油膩物。

又方

海藻 海帶 昆布 澤瀉 木通 猪鬃 羊鬃 各五枚

海蛤 連翹

右為細末。研磨為丸。如雞頭大。每服一丸。臨卧嚙化下効。

消毒散 治喉腫

當歸 荊芥 甘草 各等分

右為末。水煎三五錢。去滓熱嗽之。

煮肝散 治雀目

青蛤粉 夜明砂 穀精草 各等分

右為細末。每服五七錢。猪肝內煮熟。細嚼茶清下。

枯瘤方

硃砂 粉霜 雄黃 已上各二錢 輕粉 沒藥 乳香

已上各一錢 土黃錢三 射香抄

右為細末。以津調塗。瘡頂外邊。取一葉。先花紙貼之。上以小黃膏貼之。

小黃膏

黃柏 黃芩 大黃 已上各等分

右為細末。以水調為糊。比前藥大。一遭三日。至八九上不取。直候可取。

剪刀藥

石灰年新陳 龍骨兩 刺刺一束

右為末。杵作泥。為餅子。或為散貼。端午日合。

水香檳榔散

水香 檳榔 黃連 乳香 輕粉 蜜陀僧 已上各等分

右為細末。乾摻之。先以口嚼漿水洗之。

又方加 黃柏 射香

陽起石散

陽起石燒

右研末。新水調塗腫處。

鉛白霜散

鉛白霜

乾胭脂

寒水石

已上各等分

腦子

輕粉諸少

右為末摻之

雄黃散

雄黃

乳香

沒藥

射香

右為末。量瘡大小乾貼。

化斑湯

紫草

升麻

甘草炙

各半兩

右剉麻豆大。水一盞。糯米二十粒。煎至一盞。去滓。溫服。

調治

無比山藥丸

乾山藥二兩

肉蓯蓉酒浸

五味子六兩

揀淨

兔絲子酒浸

杜仲粗皮

牛膝酒浸

澤瀉兩

熟地黃醱一

山茱萸兩

茯苓去皮

巴戟去心

赤石脂兩

右為細末。煉蜜為丸。桐子大。每服二三十丸。食前溫酒下。米飲亦可。

當歸丸

當歸 香附子炒 杜疾藜 芍藥 各等分

右為末。酒糊為丸。如小豆大。每服三五丸。米飲送下。

香薷湯

香薷五錢 去土 厚朴五錢 薑製 白扁豆二錢 半 炒

右為末。每服三錢。水一盞。入酒煎。去滓。溫服。

石葦散

石葦毛 木通 各一兩 當歸 甘草 王不留行 以上各兩

滑石 白朮 瞿麥 葵子 芍藥 已上各三兩

右為細末。每服二錢。煎小麥湯調下。

妙功丸

京三稜炮一兩 川烏四錢 生 去皮 大黃兩 已上同為細末。好醋半升。熬膏。不破積

水丸 神麴 麥蘖 已上各一兩 乾薑二錢 炒 巴豆去皮 兩 筒

半夏兩 炒 茴香兩 炒 官桂 牽牛三兩 揀淨

右為細末。用膏丸。小豆大。生薑湯下。十九丸。十五丸。溫涼水亦可。以意加減。以利為度。

人參散

石膏 甘草 已上各一兩 滑石兩 寒水石兩 人參兩

右為末。每服二錢。溫水調下。食後。

茴香丸

茴香炒八兩

川練子炒

川烏炮去皮

威靈仙洗去土

防風去

陳皮

各三兩

地龍土一兩

烏藥炒去土

赤小豆炒

右為末。酒糊為丸。每服三五丸。茶酒下。

七宣丸

大黃濕紙裹煨

枳實炒

木香

柴胡去

柯子皮

各五兩

桃仁六兩

甘草炒

右為末。煉蜜和丸。如桐子大。每服三十九。酒下。

人參調中湯

沉香兩二

木香

白豆蔻用仁兩

甘草分

腦子錢一

射香錢半

人參兩半

右為細末。每服半錢。用沸湯點服。或入生薑鹽少許。食後服。

烏金散

當歸兩一

自然銅金色者煨為末。醋熬一兩。

烏金石鐵炭三。是也。兩。

大黃一兩童子小便浸用。

右為末。每服二錢。紅花酒半盞。童子小便半盞。同調下。食前日二服。

沉香降氣湯

沉香

木香

硝砂仁

白豆蔻仁

青皮白

陳皮白

廣茂煨

枳實煨

已上各一兩

羅白子另酥

黑牽牛酥

大黃炒

右為末。生薑汁浸。蒸餅為丸。如桐子大。每服三十九丸。橘皮湯下。

枳朮丸 治氣不下降胸膈滿悶

枳實煨

白朮各半

右為細末。燒飯為丸。如桐子大。每服五十九丸。諸飲送下。

儒門事親卷之十三

劉河間先生三消論

因在前此書未傳於世恐為沉沒故刊而行之

易言天地自太虛至黃泉有六位。內經言人之身自頭至足亦有六位。今余又言人胸腹之間自肺至腎又有六位。人與天地造化五行同一爐。備知彼則知此矣。故立天之氣曰金與火。立地之氣曰土與水。立人之氣曰風與火。故金與火合則熱而清。水土合則濕而寒。風火合則溫而炎。人胸腹之間亦猶是也。肺最在上。為金主燥。清心次為君火主熱。肝又次之為風木主溫。膽又次之為相火主極熱。脾又次之為濕土主涼。腎又次之為黃泉為寒水主寒。故心肺象天。脾腎象地。肝膽象人。不知此者不可與論人之病矣。夫土為萬物之本。水為萬物之元。水土合德以陰居陰。同處乎下。以立地為氣。萬物根於地。是故水土濕寒若燥熱陽實。則地之氣不立。萬物之根索澤而枝葉枯矣。五常政大論曰：根於中者命曰神機。是為動物根本在於中也。根本者脾胃腎也。食入胃則脾為布化氣味。榮養五藏百骸。故酸入肝而養筋膜。苦入心而養血脈。甘入脾而養肌肉。辛入肺而養皮毛。鹹入腎而養骨髓。五氣亦然。故清養肺。熱養心。溫養肝。濕養脾。寒養腎也。凡此五味五氣太過則病不及亦病。惟平則常安矣。故六節藏象論曰：五味入口藏於腸胃。味有所藏以養五氣。氣和而生津液相成。神乃自生。是其理也。又太陰陽明論云：脾病而四肢不用者何也。岐伯曰：四肢皆稟氣于胃。而不得至經。必因于脾胃。

乃稟也。今脾病不能為胃行其津液。不得稟水穀氣。脾日以衰。脈道不利。筋骨肌肉皆無氣以生。故不用焉。帝曰：脾不主時，故也。岐伯曰：脾者土也。治中央。常以四時長四臟。各十八日寄治。不得獨主于時也。脾藏者常着胃土之精也。土者生萬物而法天地。故上下至頭足不得獨主于時也。帝曰：脾與胃以膜相連爾，而能行其津液，何也？岐伯曰：足太陰者三陰也。其脈貫胃屬脾絡噤。故太陰為之行氣于三陰。足陽明者表也。五臟六腑之海也。亦為之行氣于三陽。臟腑各因其經而受氣以益陽明。故為胃行其津液。四肢不得稟水穀氣，日以衰。陰道不利，筋骨肌肉皆無氣以生，故不用焉。不用者謂不能為之運用也。由是觀之，則五臟六腑四肢百骸皆稟受于脾胃。行其津液，相與濡潤滋養矣。後之醫者欲以燥熱之劑以養脾胃，滋土之氣，不亦外乎？況消渴之病者，本濕寒之陰氣極衰，燥熱之陽氣太甚，更服燥熱之藥，則脾胃之氣竭矣。叔世不分五運六氣之虛實，而一概言熱為實，而虛為寒，彼但知心火陽熱一氣之虛實，而非臟腑六氣之虛實也。蓋肺本清虛則溫，心本熱虛則寒，肝本溫虛則清，脾本濕虛則燥，腎本寒虛則熱，假若胃冷為虛者，乃胃中陰水寒氣實甚，而陽火熱氣衰虛也。非胃土濕氣之本衰，故當溫補胃中陽火之衰，退其陰水寒氣之甚。又如胃熱為實者，乃胃中陽火實而陰水虛也。故當以寒藥瀉胃中之實火，而養其虛水。然此皆補瀉胃中虛熱水火所乘之邪，非胃為濕者之本。其餘例同法。夫補瀉脾胃濕土之水氣者，潤其濕者是補，燥

其濕者是瀉濕。土本濕故也。凡臟腑諸氣不必腎水獨當寒。心火獨當熱。要知每臟每腑諸氣和同。宣而平之可也。故余嘗謂五常之道。陰中有陽。陽中有陰。孤陰不長。獨陽不成。但有一物皆備五行。遞相濟養。是謂和平。交互克伐。是謂衰興。變亂失常。患害由行。故水少火多。為陽實陰虛而病熱也。水多火少。為陰實陽虛而病寒也。其為治者。瀉實補虛。以平為期而已矣。故治消渴者。補腎水陰寒之虛。而瀉心火陽熱之實。除腸胃燥熱之甚。濟身津液之衰。使道路散而不結。津液生而不枯。氣血利而不澁。則病日已矣。况消渴者。本因飲食服餌失宜。腸胃乾涸。而氣液不得宣平。或耗亂精神。過違其度。或因大病。陰氣損而血液衰。虛陽氣悍而燥熱鬱甚之所成也。故濟眾云。三消渴者。皆由久嗜鹹物。恣食炙煇。飲酒過度。亦有年少服金石丸散。積久石熱結于胸中。下焦虛熱。血氣不能制石熱。燥甚于胃。故渴而引飲。若飲水多而小便多者。名曰消渴。若飲食多而不甚饑。小便數而漸瘦者。名曰消中。若渴而飲水不絕。腿消瘦而小便有脂液者。名曰腎消。如此三消者。其燥熱一也。但有微甚耳。余聞世之方多一方。而通治三消渴者。以其善消水穀而喜渴也。然叔世論消渴者。多不知本。其言消渴者。上實熱而下虛冷。上熱故煩渴多飲。下寒故小便多出。本因下部腎水虛而不能制其上焦心火。故上實熱而下虛冷。又曰水數一為物之本。五行之先。故腎水者。人之本命之元。不可使之衰弱。根本不堅。則枝葉不茂。元氣不固。則形體不榮。消渴病者。下部腎水極冷。若更服

寒藥則元氣轉虛而下部腎水轉衰則上焦心火亢甚而難治也。但以暖藥補養元氣。若下部腎水得實而勝退上焦火則自然渴止。小便如常而病愈也。若此之言正與仲景相反。所以巧言似是于理實違者也。非徒今日之誤。誤已久哉。又如蔣氏樂證病原中論消渴消中消腎病曰三焦五臟俱虛熱。惟有膀胱冷似水。又曰腰腎虛冷日增重。又曰膀胱腎臟冷如泉。始言三焦五臟俱虛熱。惟有膀胱冷似水。復言五臟亦冷。且腎臟水冷。言為虛其餘熱者。又皆言其虛實陰陽興衰安有此理。且其言自不相副。其失猶小。至於寒熱差殊。用藥相反。過莫大焉。或又謂腎與膀胱屬水。虛則不能制火。虛既不能制火。故小便多者愈失之遠矣。彼謂水氣實者。必能制火。虛則不能制火。故陽實陰虛而熱燥。其液小便淋而常少。陰實陽虛不能制水。小便利而常多。豈知消渴小便多者。非謂此也。何哉。蓋燥熱太甚。而三焦腸胃之腠理怫鬱結滯。緻密壅塞。而水液不能滲泄。浸潤于外。榮養百骸。故腸胃之外燥熱太甚。雖復多飲于中。終不能浸潤于外。故渴不止。小便多出者。如其多飲不能滲泄于腸胃之外。故數洩也。故余盡言原病式。曰皮膚之汗孔者。謂泄汗之孔竅也。一名氣門者。謂泄氣之門戶也。一名腠理者。謂氣液之隧道紋理也。一名鬼門者。謂幽冥之門也。一名玄府者。謂玄微之府也。然玄府者。無物不有。人之臟腑皮毛肌肉筋膜骨髓爪牙。至于萬物悉皆有之。乃出入升降道路門戶也。故經曰出入廢則神機化滅。升降息則氣立孤危。故非出入則無以生長壯老。

非升降則無以生長收藏。是知出入升降無器不有。故知人之眼耳鼻舌身意神識能為用者。皆由升降出入之通利也。有所閉塞則不能用也。若目無所見耳無所聞鼻不聞香舌不知味筋痿骨痺爪退齒腐毛髮墮落皮膚不仁腸胃不能滲泄者。悉由熱氣怫鬱玄府閉塞。而致津液血脈榮衛清氣不能升降出入故也。各隨鬱結微甚而有病之大小焉。病在表則怫鬱腠理閉密。陽氣不能散越。故燥而無汗而氣液不能出矣。叔世不知其然。故見消渴數溲。妄言為下部寒爾。豈知腸胃燥熱怫鬱使之然也。予之所以舉此世為消渴之證。乃腸胃之外燥熱。否閉其滲泄之道路。水雖入腸胃之內。不能滲泄於外。故小便數出而復渴。此數句足以盡其理也。試取內經凡言渴者。盡明之矣。有言心肺氣厥而渴者。有言肺痺而渴者。有言脾熱而渴者。有言腎熱而渴者。有言胃與大腸熱結而渴者。有言脾痺而渴者。有言小腸瘴熱而渴者。有因病瘧而渴者。有因肥甘不藥而渴者。有因醉飽入房而渴者。有因遠行勞倦。遇大熱而渴者。有因傷害胃乾而渴者。有因腎熱而渴者。有因病風而渴者。雖五腸之部分不同。而病之所遇各異。其歸燥熱一也。

所謂心肺氣厥而渴者。厥論曰。心移熱于肺。傳為膈消。注曰。心熱入肺。久而傳化。內為膈熱消渴多飲也。

所謂肝痺而渴者。痺論曰。肝痺者夜卧則驚。多飲數小便。如脾熱而渴者。痿論曰。脾氣

熱則胃乾而渴。肌肉不仁。發為痿渴。

所謂腎熱而渴者。刺熱論曰。腎熱病者。先腰痛。胛酸。若渴數飲。身熱。熱論曰。少陰脈貫腎。絡於肺。繫舌本。故口燥。口乾而渴。叔世惟言腎虛不能制心火。為上實熱而下虛冷。以熱藥溫補腎水。欲令勝退心火者。未明陰陽虛實之道也。夫腎水屬陰而本寒。虛則為熱。心火屬陽而本熱。虛則為寒。若腎水陰虛。則心火陽實。是謂陽實陰虛。而上下俱熱。明矣。故氣厥論曰。腎氣衰。陽氣獨勝。宣明五氣論曰。腎惡燥。由燥腎枯。水涸。藏氣發時。論曰。腎苦燥。急食辛以潤之。夫寒食屬陰。能養水而瀉心。熱物屬陽。能養火而耗水。今腎水既不勝心火。則上下俱熱。奈何以熱藥養腎水。欲令勝心火。豈不繆哉。又如胃與大腸熱結而渴者。陰陽別論。二陽結為之消。注曰。陽結胃及大腸俱熱結也。腸胃藏熱。善消水穀。又氣厥論曰。大腸移熱于胃。善食而瘦。脈要精微論曰。痺成為消。中善食而瘦。如腸痺而渴者。數飲而不得中。氣喘而爭。時發殮泄。夫數飲而不得中。其大便必不停留。然則消渴數飲而小便多者。止是三焦燥熱。怫鬱而氣衰也。明矣。豈可以燥熱毒藥助其強陽。以伐衰陰乎。此真實實虛虛之罪也。夫消渴者多變。聾盲瘡癬。痲痺之類。皆腸胃燥熱。怫鬱水液不能浸潤于周身故也。或熱甚而膀胱怫鬱。不能滲泄。水液妄行。而面上腫也。如小腸痺熱而渴者。舉痛論曰。熱氣留于小腸。腸中痛。痺熱焦渴。則便堅不得出矣。注曰。熱滲津液而小便堅矣。如言病瘧而渴者。瘧論曰。陽實則外熱。陰

虛則內熱。內外皆熱。則喘而渴。故欲飲冷也。然陽實陰虛而為病熱。法當用寒藥。養陰瀉陽。是謂瀉實補衰之道也。如因肥甘石藥而渴者。奇病論曰。有口甘者。病名為何。岐伯曰。此五氣之所溢也。病名脾痺。痺為熱也。脾熱則四臟不稟。故五氣上溢也。先因脾熱。故曰脾痺。又經曰。五味入口。藏于胃。脾為之行。其精氣津液在脾。故令人口甘也。此肥美之所發也。此人必數食甘美而多肥也。肥者。令人內熱。甘者。令人中滿。故其氣上溢。轉而為消渴。通平虛實論曰。消痺。仆擊。偏枯。痿厥。氣滿。發逆。肥貴之人。膏粱之疾也。或言人惟胃氣為本。脾胃合為表裏。脾胃中州。當受溫補。以調飲食。今消渴者。脾胃極虛。益宜溫補。若服寒藥。耗損脾胃。本氣虛之而難治也。此言乃不明陰陽寒熱虛實補瀉之道。故妄言而無畏也。豈知腹中論云。帝曰。夫子數言熱中消中。不可服芳草石藥。石藥發癩。芳草發狂。言多飲數澁。謂之熱中。多食數澁。謂之消中。多喜曰癩。多怒曰狂。芳美味也。石謂英乳。乃發熱之藥也。經又曰。熱中消中。皆富貴人也。今禁膏粱。是不合其心。禁芳草石藥。是病不愈。願聞其說。岐伯曰。芳草之味美。石藥之味悍。二者之氣急疾堅勁。故非緩心。和人不可服此二者。帝曰。何以然。岐伯曰。夫熱氣慄悍。藥氣亦然。所謂飲一澁二者。當肺氣從水而出也。其水穀之海竭矣。凡見消渴。便用熱藥。誤人多矣。故內經應言渴者皆如是。豈不昭晰歟。然而猶有惑者。諸氣過極。反勝也者。是以人多誤也。如陽極反似陰者是也。若不明標本。認似為是。始終乖矣。故凡見下部覺冷。兩

膝如水。此皆心火不降。狀類寒水。宜加寒藥。下之三五次。則火降水升。寒化自退。然而舉世皆同執迷。至如易素二書。棄如朽壤。良可悲夫。故處其方。必明病之標本。達藥之所能通氣之所宜。而無加害者。可以制其方也。已。所謂標本者。先病而為本。後病而為標。此為病之本末也。標本相傳。先當救其急也。又云。六氣為本。三陰三陽為標。蓋為病臟病最急也。又云。六氣為胃之本。假若胃熱者。胃為標。熱為本也。處其方者。當除胃中之熱。是治其本也。故六氣乃以甚者為邪。衰者為正。法當瀉其補。衰以平為期。養正除邪。乃天之道也。為政之理。補賤之義也。大凡治病。明知標本。按法治之。何必謀于眾。陰陽別論曰。謹孰陰陽。無與眾謀。標本病傳論。知標知本。萬舉萬當。不知標本。是謂妄行。至真要大論曰。知標知本。用之不死。明知逆順。正行無問。不知是者。不足以言診。適足以亂經。故大要曰。粗工嘻嘻。以為可知。言熱未已。寒病復起。同氣異形。迷診亂經。此之謂也。夫標本之道。要而博。小而大。可以言一。而知百。言標與本。易而弗損。察本與標。氣可令調。明知勝復。為萬民式。天之道畢矣。天元紀大論曰。至數極。而道不惑。可謂明矣。所謂藥之巧能者。溫涼不同。寒熱相反。燥濕本異。云云。前已言之矣。斯言氣也。至于味之巧能。如酸能收。甘能緩。辛能散。苦能堅。鹹能軟。酸屬水也。燥金主于散落。而水反之。土濕主於緩。而水勝之。故能然也。若能燥濕而堅。火者苦也。易曰。燠萬物者。莫燥于火。凡物燥則堅也。甘能緩。苦急而散。結甘者土也。燥能急。結故緩。則急散也。辛能散。抑散。

結潤燥辛者金也。金主散落。金生水故也。况抑結散。則氣液宣行。而津液生也。臧氣發時論曰。腎苦燥。急食辛以潤之。開腠理。致津液。通氣也。鹹能軟堅。鹹者水也。水潤而柔。故勝火之堅矣。此五臟之味也。其為五味之本也。淡也。淡胃土之味也。胃土者地也。地為萬物之本。胃為一身之本。天元紀大論曰。在地為化。化生五味。故五味之本淡也。以配胃土。淡能滲泄。利竅。夫燥能急結。而甘能緩之。淡為剛土。極能潤燥。緩其急結。令氣通行。而致津液。滲泄也。故消渴之人。其藥與食皆宜淡劑。至真要大論曰。辛甘發散。為陽。酸苦涌泄為陰。鹹味涌泄為陰。淡味滲泄為陽。六者或散或收。或緩或急。或燥或潤。或堅或軟。所以利而行之。調其氣也。本草云。藥有三品。上品為君主養命。小毒以應天。中品為臣主養性。常毒以應人。下品為佐使。主治病。大毒以應地。不在三品者。氣毒之物也。凡此君臣佐使者。所以明藥之善惡也。處方之道。主治病者為君。佐君者為臣。應臣之用者為佐使。適其病之所根。有君臣佐使奇偶小大之制。明其歲政。君臣脈位。而有逆順反正。主療之方。隨病所宜以施用。其治法多端。能備所用者。良工也。寒者熱之。熱者寒之。溫者清之。清者溫之。結者散之。散者收之。微者逆而制之。甚者從而去之。燥者潤之。濕者燥之。堅者軟之。軟者堅之。急者緩之。客者除之。留者却之。勞者溫之。逸者行之。驚者平之。衰者補之。甚者瀉之。吐之下之。摩之。益之。薄之。劫之。開之。發之。灸之。制之。適足為用。各安其氣。必清必淨。而病氣衰去。臟腑和平。歸其所宗。此治之大體也。陰

陽應象論曰。治不法天之紀。不明地之理。則災害至矣。又六節藏象論曰。不知年之所加氣之所衰。不可以為功也。今集諸經驗方。附于篇末。

神白散 治真陰素被損虛。多服金石等藥。或嗜炙煖鹹物。遂成消渴。

桂府滑石 兩 甘草 一兩 生用

右為細末。每服三錢。溫水調下。或大渴欲飲冷者。新汲水尤妙。

猪肚丸 治消渴消中。

猪肚 一枚 黃連 兩五 括婁 兩四 麥門冬 兩四 去心 知母 兩四 如無以茯苓代之

右四味為末。納猪肚中線縫。安置甑中。蒸極爛熟。就熱于木臼中搗可丸。如硬少加

蜜丸。如桐子大。每服三十丸。漸加至四五十丸。渴則服之。如無木臼。以沙盆中用水杵研。亦可以爛為妙矣。

葛根丸 治消渴消腎。

葛根 兩三 括婁 兩三 鉛丹 兩二 附子 兩一 去皮臍用

右四味搗羅為細末。煉蜜為丸。如桐子大。每服十丸。日進三服。治日飲碩水者。春夏

去附子。

胡粉散 治大渴。百方瘵不瘥者。亦治消腎。

鉛丹 一兩 胡粉 各半兩 括婁 兩一 甘草 兩二 澤瀉 石膏

各半兩 括婁 兩一 甘草 兩二 澤瀉 石膏

赤石脂 白石脂 各半兩

右八味為細末。水服方寸七日。二服。壯者一七半。一年病一日愈。二年病二日愈。渴甚者二服。腹痛者減之。如丸服亦妙。每服十九丸。多則腹痛也。

三黃丸 主治男子婦人。五勞七傷。消渴。不生肌肉。婦人帶下。手足發寒。熱者。

春三月 黃芩兩四 大黃兩二 黃連兩四

夏三月 黃芩兩六 大黃兩一 黃連兩一

秋三月 黃芩兩六 大黃兩二 黃連兩三

冬三月 黃芩兩三 大黃兩五 黃連兩二

右三味隨時加減。搗為細末。煉蜜為丸。如大豆大。每服五丸。日二服。不去者。加七丸。

服一月病愈。嘗試有驗矣。

人參白朮散

治胃膈瘴熱。煩滿不欲食。或瘴成為消中。善食而瘦。或燥鬱甚而消渴。多飲而數小便。或熱病。或恣酒色。誤服熱藥者。致脾胃真陰血液損虛。肝心相搏。風熱燥甚。三焦腸胃燥熱。怫鬱而水液不能宣行。則周身不得潤濕。故瘦瘁黃黑而燥熱。消渴雖多飲而水液終不能浸潤于腸胃之外。渴不止而便注為小便多也。叔世俗流。不明乎此。妄為下焦虛冷。誤死多矣。又如周身風熱燥鬱。或為目瘴。癰疽瘡瘍。上為喘嗽。下

為痿痺或停積而濕熱內甚不能傳化者變水腫腹脹也凡多飲數澀為渴多食數澀為消中肌肉消瘦小便有脂液者為消腎此世之所傳三消病也雖無所不載以內經考之但燥熱之微甚者也此藥兼療一切陽實陰虛風熱燥鬱頭目昏眩風中偏枯酒過積毒一切腸胃滯滯壅塞瘡癬痿痺并傷寒雜病煩渴氣液不得宣通并宜服之

人參 白朮 當歸 芍藥 大黃 山梔子 澤瀉 各半兩

連翹 瓜萁根 乾葛 茯苓 已上各一兩 官桂 木香

藿香 各一分 寒水石兩 甘草兩 石膏兩 滑石 盆硝 各半兩

右為粗末每服五錢水一盞生薑三片同煎至半盞絞汁入蜜少許溫服漸加十餘錢無時日三服或得臟腑疏利亦不妨取效更妙後却常服之或兼服消痞丸似覺腸胃結滯或濕熱內甚自利者去大黃芒硝

人參散

治身熱頭痛或積熱黃瘦或發熱惡寒畜熱寒戰或膈痰嘔吐煩熱煩渴或燥濕瀉痢或目疾口瘡或咽喉腫痛或風昏眩或蒸熱虛汗肺痿勞嗽一切邪熱變化真陰損虛並宜服之

石膏兩 寒水石兩 滑石兩 甘草兩 人參兩

右為細末。每服二錢。溫水調下。或冷水亦得。

三消之論。劉河間之所作也。因麻徵君寓汴。梁暇日訪先生後裔。或舉教醫學者。即其人矣。徵君親詣其家。求先生平昔所著遺書。乃出三消論。氣宜病機三書。未傳于世者。又多不全。止取三消論于卷首。增寫六位藏象二圖。其餘未遑潤色。即付友人穆子昭。子昭乃河間門人。穆大黃之後也。時覓官于京師。方且告。因徵君欲因是而惠之。由是余從子昭授得一本。後值兵火。遂失其傳。偶于鄉人霍司承君祥處復見其文。然傳寫甚誤。但依倣而錄之。以符後之學者。詳為刊正。云時甲辰年冬至日。錦溪野老書續方。柏亭東久亭寺僧悟大師傳經驗方。

治飲水百盃尚猶未足。小便如油。或如杏色。服此藥三五日。小便大出。毒歸于下。十日永除根本。此方令子和辯過。云是重劑。可用悟公師親驗過矣。

水銀錢四

錫研成礪子 水銀

牡蠣兩

蜜陀僧兩

知母兩

貝母兩

紫花苦參兩

黃丹兩

瓜萋根斤半

右為細末。男子用不生兒猪肚一箇。內藥。婦人用獐猪肚一箇。麻線縫之。新瓦合蓋。一合。繩繫一兩。漕米一升。更用瓜萋根末半斤。却于新水煮熟。取出放冷。用砂盆內

研爛。就和為丸。如猪肚丸法用之。

儒門事親卷之十三終

[Faint, illegible text, likely bleed-through from the reverse side of the page]

儒門事親卷之十四

扁鵲華陀察聲色定死生訣要

病人五臟已奪神明不守聲嘶者死

病人循衣縫謔語者不可治

病人陰陽俱絕掣衣撮空妄言者死

病人妄語錯亂及不能言者不治熱病者可治

病人陰陽俱絕失音不能言者三日半死

病人兩目皆有黃色起者其病方愈

病人面黃目青者至期而死重出在下文

病人面黃目赤不死亦如衄血者死

病人面黃目白者不死白如枯骨者者死

病人面黃目黑者不死黑如炁死

病人面黑目青者不死

病人面目俱黃者不死

戴人張子和著
新安吳勉學校

病人面青目白者死。

病人面黑目白者不死。

病人面赤目青者六日死。

病人面黃目青者九日必死。是謂亂經。飲酒當風。邪入胃經。膽氣妄泄。目則為青。雖天

救亦不可生。

病人面赤目白者十日死。憂恚思心。氣內索。面色反好。急棺槨。

病人面白目黑者死。此謂榮華已去。血脈空索。

病人面黑目白八日死。腎氣內傷。病因留損。

病人面青目白五日死。

病人着牀。心痛短氣。脾氣內竭。後百日復愈能起。徬徨因坐于地。其上倚牀。能治此者

也。

病人耳目鼻口有黑色。起入于口者必死。

病人目無精光。若土色。不受飲食者四日死。

病人目無精光。及牙齒黑色者不治。

病人耳目及顴頰赤者。死在五日中。

病人黑色出于額上髮際。直鼻脊兩顴上者。亦死在五日中矣。

病人黑色出天中下至上顴上者死。

病人及健人黑色若白色起入目及鼻口者死在三日中矣。

病人及健人面忽如馬肝色望之如青近之如黑者必死矣。

病人面黑直視惡風者死。

病人面黑唇青者死。

病人面青唇黑者死。

病人面黑兩脇下滿不能自轉反者死。

病人目不回直視者一日死。

病人頭目久痛卒視無所見者死。

病人陰結陽絕目睛脫恍惚者死。

病人陰陽竭絕目眶陷者死。

病人眉系傾者七日死。

病人口如魚口不能復閉而氣出多不反者死。

病人卧遺尿不覺者死。

病人屍臭者不可治。

肝病皮白肺之日庚午死。

心病目黑腎之日壬癸死

脾病唇青肝之日甲乙死

肺病頰赤目腫心之日丙丁死

腎病面腫唇黃脾之日戊己死

青欲如蒼壁之赤不欲如藍

赤欲如帛裹朱不欲如赭

白欲如鵝毛不欲如枯骨

黑欲如黑漆不欲如炭

黃欲如羅裹雄黃不欲如土

目赤色者病在心。白在肺。黑在腎。黃在脾。青在肝。黃色不可名者病在胸中。

診目病赤脉從上下者太陽病也。從下上者陽明病也。從外入內者少陽病也。

診寒熱瘰癧。目中有赤脉。從上下至瞳子。見一脈一歲死。見一脈半一歲半死。見二脈

半二歲半死。見三脈三歲死。

診牙齒痛。按其陽明之脈來太過者。獨熱在右。右熱。熱在左。左熱。熱在上。上熱。熱在下

下熱。

診血者脈多赤多熱。多青多痛。多黑多黃多痺。多赤多黑多青皆見者。寒熱身痛。面色

微黃齒垢黃爪甲上黃疸也安卧少黃赤脈小而濇者不嗜食

診百病死生訣第七

診傷寒熱盛脈浮大者生沉小者死傷寒已得汗脈沉小者生浮大者死

溫病三四日已下不得汗脈大疾者生脈細小難得者死不治

溫病穰穰大熱其脈細小者死千金穰穰作時行

溫病下痢腹中痛甚者死不治

溫病汗不出出不至者死厥逆汗出脈堅彊急者生虛緩者死

溫病二三日身體熱腹滿頭痛食如故脈直而疾者八日死四五日頭痛腹痛而吐脈

來細強十二日死八九日頭不疼身不痛目不變色不變而反利脈來喋喋按之不彈

手時時心下堅十七日死

熱病七八日脈不軟一作喘不散一作數者當有瘡瘡後三日溫汗不出者死

熱病七八日其脈微細小便不利加暴口燥脈代舌焦乾黑者死

熱病未得汗脈盛躁疾得汗者生不得汗者難瘥

熱病已得汗脈靜安者生脈躁者難治

熱病已得汗大熱不去者亦死

熱病已得汗熱未去脈微躁者慎不得刺治

熱病發熱熱甚者其脈陰陽皆竭慎勿刺不汗出必下利。

診人被風不仁痿躄其脈虛者生。緊急疾者死。

診癩病虛則可治實則死。

診癩病脈實堅者生。脈沉細者死。

又癩疾脈得大滑者久而自己其脈沉小急實不可療。小堅急者亦不可療也。

診頭痛目痛久視無所見者死。

診人心腹積聚其脈堅強急者生。虛弱者死。又實強者生。沉者死。其脈大腹大脹四肢

逆冷其人脈形長者死。腹脹滿便血脈大時絕極下血脈小疾者死。

腸澼便血身熱則死。寒則生。

腸澼下白沫脈沉則生。浮則死。

腸澼下膿血脈懸絕則死。滑大則生。

腸澼之屬身熱脈不懸絕滑大者生。懸瀋者死。以臟期之。

腸澼下膿血脈沉小留連者生。數疾且大有熱者死。

腸澼筋攣其脈小細安靜者生。浮大緊者死。

洞泄食不化不得留下膿血脈微小連者緊急者死。洩注脈緩時小結者生。浮大數者死。

蠶蝕陰注其脈虛小者生。緊急者死。

欬脈沉緊者死。浮直者浮軟者生。小沉伏匿者死。

欬嗽羸瘦。脈形堅大者死。

欬脫形發熱。脈小堅急者死。肌瘦下脫。形熱不去者必死。

欬而嘔腹脹且洩。其脈弦急欲絕者死。

吐血衄血。脈滑小弱者生。實大者死。

汗若衄。其脈小滑者生。大躁者死。

吐血脈緊強者死。滑者生。

吐血而欬。上氣。其脈數有熱不得卧者死。

上氣脈數者死。謂損形故也。

上氣喘息低昂。其脈滑手足溫者生。脈澁四肢寒者必死。

上氣面浮腫肩息。其脈大不可治。加利必死。

上氣注射液。其脈虛寧伏匿者生。堅強者死。

寒氣上攻。脈實而順滑者生。實而逆澁者則死。太素云寒氣在上脈滿實何如曰實而

曰舉形盡滿者脈急大堅尺滿而不應知是者順則生逆則死何謂順則生逆則死所謂順者手足溫也逆者手足寒也

病癰脈實大。病久可治。脈弦小堅急。病久不可治。

消渴脈數大者生。細小浮短者死。

消渴脈沉小者生。實堅大者死。

水病脈洪大者可治。微細不可治。

水病脈閉。其脈浮大軟者生。沉細虛小者死。

水病腹大如鼓。脈實者生。虛則死。

卒中惡咯血數升。脈沉數細者死。浮大疾快者生。

卒中惡腹大四肢滿。脈大而緩者生。緊大而浮者死。緊細而微亦生。

瘡腰脊強急瘕瘕。皆不可治。

寒熱瘕瘕。其脈代絕者死。

金瘡血出太多。其脈虛細者生。數實大者死。

金瘡出血。脈沉小者生。浮大者死。

斫瘡出血一二升。脈來大二十日死。

斫刺俱有病。多少血出不自止者。其脈來大者七日死。滑細者生。

從頭頓仆內有血。腹脹滿。其脈堅強者生。小弱者死。

人為百藥所中傷。脈溢而疾者生。微細者死。洪大而遲者生。千金遲作速。

人病甚而脈不調者難治。脈洪大者易瘥。人內外俱虛。身體冷而汗出。微嘔而煩擾。手足厥逆。體不得安靜者死。脈實滿。手足寒。

頭熱春秋生。冬夏必死矣。

老人脈微。陽羸陰強者生。脈大而加息者死。陰弱陽強。脈至而代。期月而死。

尺脈瀆而堅。為血實氣虛也。其發病腹痛逆滿。氣上行。此為婦人胞中絕傷。有惡血久

成結癥。得病以冬時。黍當赤而死。

尺脈細而微者。血氣俱不足。細而來有力者。是穀氣不克。病得節輒動。棗葉生而死。此

病秋時得之。左手寸口脈偏動。乍大乍小不齊。從寸至關。關至尺三部之位。其脈動各

異不同。其人病仲夏得之。此脈桃花落而死。

左手寸口脈偏沉伏。乍小乍大。朝浮大而暮沉伏。浮大即太過。上出魚際。沉伏即下不

止。關中往來無常時。復來者。榆華枯而死。

右手尺部脈三十動一止。有須臾還。二十動止。乍動乍踈。連連相因。因不與息數相應。

其人雖食穀猶不愈。繁草生而死。

右手尺部脈四十動而一止。止而復來。來逆如循張弓絃。絃絃然如兩人共引一索。至

立冬死。

病機

諸風掉眩。皆屬於肝。甲乙木也。木鬱達之。

諸寒收引。皆屬於腎。壬癸水也。水鬱泄之。

諸氣臍鬱皆屬於肺庚辛金也金鬱折之
諸濕腫滿皆屬於脾戊己土也土鬱奪之

諸痛痒瘡瘍皆屬於心丙丁火也火鬱發之

諸熱脊痠皆屬於火

諸厥固泄皆屬下下謂下焦肝腎氣也夫守司于下腎之氣也門戶東要肝之氣也故厥皆由下焦主守也厥固泄皆屬下也厥謂氣逆也固謂禁固也滿氣逆上行反謂固不

懔懔皆由下焦主守也

諸病喘嘔皆屬于上上謂上焦心肺氣也炎熱薄燥承熱分化肺之氣也熱鬱化上故

病屬上焦

諸禁鼓慄如喪神守皆屬於火熱之內作

諸頸項強皆屬於濕太陽傷濕

諸逆衝上皆屬於火炎上之性用也

諸脹腹大皆屬於熱熱鬱于內肺脹于上

諸躁狂越皆屬於火熱盛于胃及四末也

諸暴強直皆屬於風陽內鬱而陰行于外

諸病有聲鼓之如鼓皆屬於熱

諸熱肘腫疼酸驚駭皆屬於火

諸轉反戾。水液渾濁皆屬于熱。反戾筋轉也。水液小便也。諸病水液澄清澈冷皆屬寒。上下所出及吐出溺出。

諸嘔吐酸暴注下迫皆屬于熱。故大要曰。謹守病機。各司其屬。有者求之。無者求之。盛者責之。虛者責之。必先五勝。疎其血氣。令其調達。而致和平。此之謂也。五勝謂五行更勝也。

標本運氣歌

少陽從本為相火。本陰從本濕上坐。厥陰從中火是家。陽明從中濕是我。太陽少陰標本從陰陽。二氣相包。表風從火斷汗之宜。燥與濕兼下之可。萬病能將火濕分。徹開軒岐無縫鎖。

辯十二經水火分治法

膽與三焦尋火治。肝和包絡都無異。脾肺常將濕處求。胃與大腸同濕治。惡寒表熱小。膀胱溫惡熱表寒。心腎熾十二經最端的。四經屬火。四經濕。四經有熱有寒時。攻裏解表。細消息濕同寒。火同熱寒熱到頭無兩說。六分來半分寒。寒熱中停真浪舌。休治風休治燥。治得火時風燥了。當解表時莫攻裏。當攻裏時莫解表。表裏如或兩可攻。後先內外分多少。敢謝軒岐萬世恩。爭奈醯雞笑天小。

治病

不讀本草。焉知藥性。專泥藥性。決不識病。假饒識病。未必得法。識病得法。工中之甲。

六陳

藥有六味。陳久為良。狼朮。半橘。枳實。麻黃。

十八反

本草名言十八反。半萋貝。欬及攻烏。藻戟遂芫俱戟草。諸參辛芍叛藜蘆。

運氣歌

病如不是當年氣。看與何年運氣同。只向某年求治法。方知都在至真中。

五不及

坎一丁三土五中。一七癸九是災宮。勝復都來十一位。誰知臟腑與宮同。

斷病人生死

靈樞經云。人有兩死而無兩生。陽氣前絕。陰陽後竭。其人死。身色必青。陰氣前絕。陽氣後竭。其人死。身色必赤。故陰竭則身青而冷。陽竭則身赤而溫。

四因

夫病生之類。其有四焉。一者始因氣動而內有所成。二者始因氣動而外有所成。三者不因氣動而病生于內。四者不因氣動而病生于外。因氣動而內成者。謂積聚癥瘕。瘤氣。癭。起。結核。癩。癩。之類是也。

不因氣動而病生於內者。謂流飲滯食饑飽勞損宿食霍亂悲恐喜怒慕憂結之類。不因氣動而病生於外者。謂瘴氣賊魅蟲蛇蠱毒蜚食鬼擊衝薄墜風寒暑濕斫射刺割撻扑之類是也。如此四類。有獨治內而愈者。有兼治內而愈者。有獨治外而愈者。有兼治外而愈者。有先治內後治外而愈者。有先治外後治內而愈者。有須解毒而攻擊者。有須無毒而調引者。凡此之類。方法所施。或重或輕。或緩或急。或收或散。或潤或燥。或輒或堅。方士之用。見解不同。各擅己心。好丹非素。故復問之。

五苦六辛

五苦六辛。從來無解。蓋史家闕其疑也。一日麻徵君以此質疑于張先生。先生亦無所應行。十五里忽然有所悟。欣然迴告于麻徵君。以為五苦者。五臟為裏屬陰。宜用苦劑。謂苦涌泄為陰。六辛者。六腑為表屬陽。宜用辛劑。謂辛甘發散為陰。此其義也。徵君大服其識鑿深遠。鑿昔人不傳之妙。故曰知其要者。一言而終。不知其要者。流散無窮。